

Déi neiste Baitreeg op dësem Site:

News

[14.2.2017 De Staatsminister Paul Eyschen huet schonn am Joer 1903 eng wonnerschéi Ried gehale fir d'Lëtzebuerger Sprooch!](#)

14 Feb 2017

(comments: 0)

Dat war 1903:

"D'Lëtzebuerger Sprooch ass ons Freed an onse Stolz haut"

"Räich ware mer net, et ass jo och net de Räichtum, deem d'Gléck bedeit."

"...well eis Sprooch elo réischt geschriwwen gëtt"

"Ons Sprooch, dat ass en alen hellegen Eechebam: Keng Mënschenhand huet se geplanzt, zënter dausend Joer gruewen sech seng Wuerzelen an onst Land."

"Ons Sprooch, dat ass d'Muerch an de Schanken, si ass d'Blutt an onseren Oderen. Duerch d'Blutt verierft sech den Art: an dee soll keen ons verdierwen."

"Ons Sprooch, dat ass dem Vollek säi Geescht, de Lëtzebuerger Geescht, deem oppen ass (...). Ons Sprooch dat ass d'Lëtzebuerger Häerz, dat ëmmer festgehalen huet um Troun an um Glaw, um Vollek an dem Land"

Un Hand vun den Aussoen vum Staatsminister Paul Eyschen stelle mer fest:

- Eis Sprooch huet sech net vill verännert zënter 1903.
- Schon 1903 ass eis Sprooch geschriwwen ginn.
- Schon 1903 war d'Lëtzebuerger Sprooch e ganz wichtege Bestanddeel vun der Lëtzebuerger Identitéit.
- Zënter 1000 Joer schonn entwéckelt sech d'Lëtzebuerger Sprooch.
- de "Lëtzebuerger Geescht" war schonn deemols oppen.

De Paul Eyschen war Staatsminister vun 1888 bis 1915.

de ganzen Text:

<http://nee2015.lu/index.php/press.html?file=files/Site/2017/paul%20Eyschen%20ganzen%20text.png>

[Read more ... 14.2.2017 De Staatsminister Paul Eyschen huet schonn am Joer 1903 eng wonnerschéi Ried gehale fir d'Lëtzebuerger Sprooch!](#)

8.2.2017 Nationalitéitegesetz: DE NIVEAU VUM SPROOCHENTEST SOLL NET EROFGOEN!

08 Feb 2017

(comments: 0)



Muer an der Chamber geet et em dat neit Nationalitéitegesetz.

Eis Positioun:

Mir bedauern, datt de Niveau vum Sproochentest kloer erof geet: Huet ee bis elo de Niveau A2 am Schwätzen an de Niveau B1 am Héiere-Verstoen gebraucht, sou geet am neie Gesetz de Niveau A2 am Schwätzen duer. De Niveau B1 am Héiere-Verstoen dee bedeit, datt een eng Nouvelle um Radio verstoe

kann, ass net méi gefrot!

Mir erënneren drun, datt dëst Gesetz net dat ass wat d'Lëtzebuerger wëllen: Beim Politmonitor vum Hierscht 2015 hunn sech just 26% fir eng Vereinfachung vum Sproochentest ausgeschwat! Fir eis ass dat eng ongesond Situatioun, well all déi grouss Parteien bei engem Thema net an der politescher Mëtt sinn!

Mä mir begreifen, dass déi ursprénglech extrem Versioun vum Dësch ass an, datt d'Regierung an de Minister Felix Braz sech méi no an déi politesch Mëtt beweegt hunn an eng méi moderat Positioun hu missen anhuelen.

Mir froen eis firwat de Niveau erofgesat gëtt. D'Nationalitéit soll de Schlussakt vun der Integratioun duerstellen an net eng Zwëschenetapp. Hei fënnt eng Integratioun um Pabeier statt an net an der Realitéit, well weder d'Kompetenzen am Schwätzen nach am Verständnis duerginn. Domatt wäeren déi nei Lëtzebuerger sproochlech nach ëmmer ausgegrenzt. Wier et net och am Sënn vun hinnen, wann si en besseren Niveau an der Sprooch hätten?

Mir fannen et gutt, datt Kanner, déi hei gebuer sinn a gelieft hunn, Lëtzebuerger ginn. Mir maachen iever drop opmierksam, datt ëmmer méi Kanner net méi an de lëtzebuerger Schoulsystem ginn a kee Lëtzebuergesch kënnen.

D'Regierung seet kloer, datt Lëtzebuergesch wichteg ass als Integratiounssprooch. Wann si A soen, sollen si och B soen! Mir vermessen e gesetzlech festgeluechte Moossnamekatalog fir (a) den auslänneschen Matbierger et besser ze erméiglechen an (b) si och ze motivéieren d'Sprooch ze léieren: Informatiounscampagnen, méi Sproochecoursen, eng méi héich Präsenz am Alldag, zum Beispill op Internetsäiten, Stroosseschëlde a Panneauen. Wéi soll een d'Sprooch léieren wann een net an Kontakt kënnt mat hir?

Mir géifen eis och freeën wann den obligatoreschen Civiques-Cours, dee jo wahrscheinlech net op Lëtzebuergesch ass, wéinstens "Zesummeliewen" géif heeschen a net "Vivre ensemble"!

Mir wëllen keng Laissez-faire-Politik, mir fuerderen eng konkret Integratiounspolitik ze maachen, grad am Hibleck op den ugekënnegten 1-Millioun-Awunnerstaat am Joer 2050.

[Read more ... 8.2.2017 Nationalitéitgesetz: DE NIVEAU VUM SPROOCHENTEST SOLL NET EROFGOEN!](#)

[11.1.2017 10 konkret Aktiounspunkten fir d'Lëtzebuerger Sprooch](#)

11 Jan 2017

Hei as eisen Pressecommuniqué

[10 konkret Aktiounspunkten fir d'Lëtzebuerger Sprooch](#)

[Read more ... 11.1.2017 10 konkret Aktiounspunkten fir d'Lëtzebuerger Sprooch](#)

[9.1.2017 En gudden Artikel vum Prof. Dr. Claude Muller zu der Frankophoniséierung vu Lëtzebuerg.](#)

09 Jan 2017

Wat ass d'Ziel vun der Regierung???

Zitat: "Soll auf diese Weise der Ausstieg aus der deutschsprachigen Alphabetisierung und Deutsch als Lehrsprache vorbereitet werden, und die seit langem von der DP gehegte Umstellung auf die FR-Alphabetisierung vollzogen werden? Der Weg in die frankofone Monolingualität wäre damit für Luxemburg vorgezeichnet. Alles deutet darauf hin, dass genau dies das Ziel der Noch-Regierung ist."

Aus dem Wort vum 31.12.2016, Säit 12

<http://nee2015.lu/index.php/press.html?file=files/Site/2017/Wort%2031.12.2016%20Seite%2012.pdf>

[Read more ... 9.1.2017 En gudden Artikel vum Prof. Dr. Claude Muller zu der Frankophoniséierung vu Lëtzebuerg.](#)

[1.1.2017 All Guddes am neie Joer!](#)

31 Dec 2016

(comments: 0)



Mir wënschen e gudde Rutsch an all Guddes am neie Joer.

Mir wäerten eis och weider fir d'Sprooch an eis aner Zieler asetzen.

Mir mellen eis an de nächsten Deeg mat konkreten Aktiounspunkten fir eis Sprooch.

Eis Zieler:

<http://nee2015.lu/index.php/wee-2050.html>

[Read more ... 1.1.2017 All Guddes am neie Joer!](#)

Page 36 of 63

- [« First](#)
- [Previous](#)
- [33](#)
- [34](#)
- [35](#)
- 36
- [37](#)
- [38](#)
- [39](#)
- [Next](#)
- [Last »](#)